

Inzko se sastao sa ministrima vanjskih poslova Hrvatske, Slovenije i Turske



Visoki predstavnik i specijalni predstavnik EU Valentin Inzko danas se sastao sa ministrom vanjskih poslova Hrvatske Gordanom Jandrokovićem, ministrom vanjskih poslova Slovenije Samuелom Žbogarom i ministrom vanjskih poslova Turske Ahmetom Davutogluom. Visoki predstavnik i specijalni predstavnik EU govorio je o trenutnoj političkoj situaciji u Bosni i Hercegovini u kontekstu procesa pristupanja Bosne i Hercegovine u EU i NATO-u.

Visoki predstavnik i specijalni predstavnik EU Inzko je na ovom sastancima upoznao ministre vanjskih poslova sa procesom tranzicije OHR-a sa posebnim naglaskom na rješenje pitanja državne imovine.

“Tranzicija OHR-a i dalje je prioritet i bosanskohercegovački lideri treba da preusmjere svoje napore na usvajanje ovih reformi”, rekao je visoki predstavnik i specijalni predstavnik EU Inzko. “Aktivnosti u vezi sa pitanjem državne imovine su zapale u poteškoće u nekoliko posljednjih mjeseci. Nakon izrade popisa imovine, političari ove zemlje će imati podatke koji su im potrebni kako bi mogli razgovarati o raspodjeli”.

Visoki predstavnik i specijalni predstavnik EU zahvalio je ministrima vanjskih poslova Hrvatske, Slovenije i Turske na podršci koju njihove zemlje pružaju Bosni i Hercegovini. On je pozvao na daljnju podršku u pogledu napora BiH da stupi u punopravno članstvo NATO-a i EU.

Visoki predstavnik i specijalni predstavnik EU je naglasio potrebu za funkcionalnim političkim dijalogom u zemlji. “Vijeće za implementaciju mira želi vidjeti dokaze o

postojanju održivog političkog dijaloga kada se bude sastao u novembru", rekao je Inzko.

Visoki predstavnik i specijalni predstavnik EU učestvuje u radu Bledskog strateškog foruma, koji je organiziralo Ministarstvo vanjskih poslova Slovenije, a koji je posvećen politici u uslovima ekonomске krize.

Visoki predstavnik i specijalni predstavnik EU također se danas na Bledu sastao i sa Stewartom Jonesom, zamjenikom pomoćnika američkog državnog sekretara za evropske i evroazijske poslove.